



स्वयान कौके
पहुरा थारु दैनिकके अनलाइन न्यूज ओ ओकरभिटर डारल इ-पेपरमे देशविदेशसे हमार अनलाइन न्यूज ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ५७ वि.सं. २०८३ भदौ २६ गते शुक्र

थारु सम्वत (२६४९)

[Friday 11 September 2026]

(मोल रु. ५ ।- पेज ४)

प्रदेश सभाके गतिविधि सुस्त

सहारा घरके सञ्चालक विष्टहे एक लाखके सामाजिक सेवा पुरस्कार

पहुरा समाचारवाता
धनगढी, २५ भदौ । सुदूरपश्चिम प्रदेश सभाके गतिविधि सुस्ताइल बा । सरकारसे चलायमान बनाइ नैसकेके शासनप्रणालीमे नीति निर्धारण तथा कानून निर्माण कैना प्रदेश सभाके गतिविधि सुस्त देखल हो ।

तत्कालीन मुख्यमन्त्री कमलबहादुर शाह नेतृत्वके सरकारसे बजेट पारित कराइ नैसकेलपाछे सुस्त बनल प्रदेश सभा नेपाली कम्युनिस्ट पार्टी (नेकपा) के खगराज भट्टके नेतृत्वमे लावा सरकार बनटसम चलायमान हुइ सेकल नैहो ।

चालु आर्थिक बरस २०८३/८४ मे सरकार छोर्ना ओ सरकार टिकाइक लाग किल दुईचो प्रदेश सभाके बैठक बैठल बा । सावन २८ गते तत्कालीन मुख्यमन्त्री शाह विश्वासके मत लेहक लाग प्रदेश सभाके बैठक बोलाइल रहे ।

स्पष्ट अल्पमतमे परल उहाँ उ बैठकमे आपन धारणा राखके प्रदेश प्रमुखहे राजीनामे बुझौना



जानकारी कराइल रहिट । ओस्टके भदौ ३ गते लावा मुख्यमन्त्री भट्ट विश्वासके मत लेहक लाग प्रदेश सभाके बैठक बोलाइल रहे ।

तत्कालीन सरकारसे बजेट पारित कराइ नैसकेलपाछे प्रदेश बजेट शून्यतासे गुज्रलेसे फेन लावा सरकार आइटसम प्रदेश सभाके गतिविधिसे गति लेहे सेकल नैहो । पाछक तीन अठ्ठवारसे

सभाके गेटमे ताल्चा लागल बा । प्रदेश सभा बैठक सञ्चालनके अब्बेसम कौनो टुङ्गो नैलागल प्रदेश सभा सचिवालयके सूचना अधिकारी उपसचिव ताराकुमारी जोशी बटौली । उहाँ सचिवालयमे नयाँ विधेयक फेन दर्ता हुइ नै आइल उल्लेख करली । सूचना अधिकारी जोशी कहली, “सभाके बैठक सञ्चालनबारे कौनो

जानकारी आइल नैहो । लावा विधेयक फेन दर्ता हुइल नैहो ।”

प्रदेश सभा सचिवालयमे लावा विधेयक दर्ता नैहुइलेसे फेन सातठो विचाराधीन विधेयक रहल सचिवालय जानकारी डेल् बा । २०८१ मे दर्ता हुइल टीकापुर विज्ञान तथा प्रविधि विश्वविद्यालय सम्बन्धमे व्यवस्था कैना बनल विधेयक ओ कुछ उद्योग तथा वनसम्बन्धी ऐनहे संशोधन कैना बनल विधेयक आभिन विचाराधीन अवस्थामे रहल बावै । दुनु विधेयक भन्डै तीन बरससे प्रदेश सभामे थन्कल बावै ।

ओस्टके पाँच विधेयक फेन विगत डेढ बरससे सभामे थन्क्याइल बावै । २०८२ सालके टमान महिनामे दर्ता हुइल दलित सशक्तीकरण ऐन, २०७८ हे संशोधन कैना बनल विधेयक, सुदूरपश्चिम प्रदेश बरघर ओ भलमनसा प्रथा संरक्षण तथा विकास सम्बन्धमे व्यवस्था कैना बनल विधेयक, सुदूरपश्चिम प्रदेशमे आमसञ्चार सम्बन्धमे व्यवस्था कैना बनल विधेयक आभिन विचाराधीन अवस्थामे रहल बावै । ओस्टके सुदूरपश्चिम प्रदेश जनस्वास्थ्य सेवा ऐन, २०७६ हे संशोधन कैना बनल विधेयक ओ सुदूरपश्चिम प्रदेश जीवनाशक विषादी व्यवस्थापन सम्बन्धमे व्यवस्था कैना बनल विधेयक फेन प्रदेश सभामे थन्क्याइल बावै ।

चालु आवके लाग बजेट निर्माणके प्रक्रियामे जुटल प्रदेश सरकारसे हाली प्रदेश सभा बैठक बैठना सङ्केत करले बा । कुछ दिनआघे सत्तारूढ दलके न्यूनतम सभा कार्यक्रम सार्वजनिक कैटी मुख्यमन्त्री खगराज भट्ट प्रदेश सरकारसे भदौभितरे नयाँ बजेट सभामे प्रस्तुत कैना उल्लेख करल रहिट ।

पहुरा समाचारवाता
घोडाघोडी, २५ भदौ । बर्दगोरिया गाउँपालिका-बौनियास्थित सहारा घरके सञ्चालक बलबहादुर विष्ट समाजसेवामे पुगाइल योगदानके लाग एक लाख रुपियाँ नगद राशिसहित सम्मानित हुइना हुइल बटै ।

सडकमे अलपत्र परल मानसिक रोगी तथा असहाय व्यक्तिके उद्धार, संरक्षण ओ परिवारसँग पुनर्मिलन करैटी आइल विष्टहे रामबाबु-ज्ञानु सामाजिक सेवा पुरस्कार प्रदान करे लागल हो ।

रामबाबु-ज्ञानु सामाजिक सेवा पुरस्कार कोषसे समाजसेवाके क्षेत्रमे उदाहरणीय योगदान पुगइया व्यक्ति तथा संस्थाहे प्रत्येक बरस सम्मान कैटी आइल बा । कोषके अध्यक्ष ध्रुव नेपालके अनुसार सेवाके भावनासे सामाजिक सेवाजैसिन पुण्य कार्यमे समर्पित होके नेपाल ओ नेपालीके हितमे उल्लेखनीय योगदान पुगइया व्यक्ति तथा संस्थाके योगदानके कदर कैटी पुरस्कार प्रदान करे लागल हो ।

इ बरस असहायके लाग सहयोगी हात नेपाल (सहारा घर) के सञ्चालक विष्टहे पुरस्कार प्रदान कैना निर्णय कोषके साधारणसभासे करल हो । कोषसे पठाइल पत्रअनुसार विष्टहे कुँवार २ गते काठमाडौंमे एक लाख रुपियाँ नगदसहित सम्मान करजैना बा ।

सहारा घरहे आवन जीवनके सेवायात्राके प्रतीकके रूपमे लेके निरन्तर मानवीय सेवामे सक्रिय विष्ट आपनहे पुरस्कारके लाग छनोट करलमे आयोजकप्रति आभार व्यक्त करले बटै । उहाँ सहारा घरसे कैटी आइल मानवीय सेवाके कदर हुइल कहटी इहीसे आपनहे आउर जिम्मेवार होके सेवा कैना प्रेरणा मिलल बटैलै ।

विष्ट २०७० सालसे सडकमे अलपत्र परल मानसिक रोगी तथा असहाय व्यक्तिके उद्धार कैके आश्रय डेना अभियान सञ्चालन कैटी आइल बटै । लम्मा समयसे परिवारसे छुटके तथा सडकमे जीवन बिटैना बाध्य हुइल व्यक्तिके उद्धार कैके सहारा घरमे आश्रय, खाना, कपडा तथा आवश्यक हेरचाहके व्यवस्था कैटी आइल विष्ट हालसम पाँच सयसे ढेर व्यक्तिके परिवारसँग पुनर्मिलन कराइल बटैलै । हाल सहारा घरमे महिला, बालबालिका तथा पुरुष सहित एक सयसे ढेर असहाय व्यक्ति आश्रय लेटी रहल बटै । आश्रयमे रहल व्यक्तिके दैनिक खानपान, बसोबास, उपचार तथा अन्य आवश्यक व्यवस्थापनके लाग ढेर स्रोत आवश्यक पर्ना रलेसे फेन सहारा घरसे सरकारसे नियमित ओ ठोस अनुदान सहयोग प्राप्त करे सेकल नैहो ।

सरकारी सहयोगके अभावके बाबजुद सहारा घरसे देश तथा विदेशमे रहल नेपाली तथा टमान सहयोगी मन रहल व्यक्तिसे प्राप्त सहयोगके आधारमे आपन सेवा सञ्चालन कैटी आइल बा । सडकमे बेवारिसे अवस्थामे रहल व्यक्तिके उद्धार कैके सुरक्षित आश्रय प्रदान कैना ओ सम्भव हुइलसम परिवारके खोजी कैके पुनर्मिलन करैना सहारा घरके अभियानसे पाछेक समय राष्ट्रियस्तरमे चर्चा पैटी आइल बा ।

सामाजिक सेवामार्फत असहाय ओ बेवारिसे नागरिकके जीवनमे आशाके सञ्चार करैना विष्टके निरन्तर प्रयासके सम्मानस्वरूप प्रदान करे लागल पुरस्कारसे सहारा घरके सेवाप्रति थप उत्साह ओ सामाजिक उत्तरदायित्व बढैना कहटी विष्टके मानवीय कार्यके प्रशंसा करल बा ।

मुख्यमन्त्री भट्ट ओ पूर्वमुख्यमन्त्री शाहबीच भेटवार्ता



पहुरा समाचारवाता
धनगढी, २५ भदौ । सुदूरपश्चिम प्रदेशके मुख्यमन्त्री खगराज भट्ट ओ पूर्वमुख्यमन्त्री तथा प्रमुख प्रतिपक्ष दल नेपाली कांग्रेसके संसदीय दलके नेता

कमल शाहबीच भेटवार्ता हुइल बा । मुख्यमन्त्री भट्ट पूर्वमुख्यमन्त्री शाहके निवासमे पुगके उहाँ स्वास्थ्य अवस्थाबारे जानकारी लेहल हुइल । उ अवसरमे मुख्यमन्त्री भट्ट शाहके शीघ्र

स्वास्थ्यलाभके कामना करल रहिट ।

भेटघाटके क्रममे दुई नेताबीच केवल शिष्टाचार भेट किल नैहोके सुदूरपश्चिम प्रदेशके वर्तमान राजनीतिक अवस्था, समसामयिक विषय ओ प्रदेशके समग्र विकासके विविध मुद्दामे समेत गम्भीर छलफल हुइल बटाइल बा । प्रदेश सरकारविरुद्ध सत्तारूढ दलभितरे आन्तरिक असन्तुष्टि चुल्टी रहल बेला मुख्यमन्त्री भट्ट ओ प्रमुख प्रतिपक्ष दलके नेता शाहबीचके भेटहे अर्थपूर्ण रूपमे हेरल बा ।

निसर्गसे जेनजी शहिदके परिवारहे

३ लाख ५१ हजार सहयोग

पहुरा समाचारवाता
धनगढी, २५ भदौ । निसर्ग हस्पिटल एण्ड रिसर्च सेन्टरसे जेनजी शहिद गौरव जोशीके परिवारहे ३ लाख ५१ हजार रुपया आर्थिक सहयोग करले बा ।

हस्पिटलके ओरसे शहिद गौरव जोशीके डाई गुन्ना जोशीहे ३ लाख ५१ हजार रुपैयाँके चेक हस्तान्तरण करल हो ।

हस्पिटलके अध्यक्ष तीर्थराज पन्त, बालरोग विशेषज्ञ डा. प्रदीप मिश्र ओ प्राध्यापक डा. हेमराज पन्तसे संयुक्त रूपमे गुन्ना जोशीहे चेक हस्तान्तरण करल रहिट ।

कार्यक्रममे प्राध्यापक डा. हेमराज पन्त, नागरिक समाजके अगुवा प्रमोद पाठक, कैलाली उद्योग वाणिज्य संघके अध्यक्ष पुष्कर ओझा, शहिद गौरव

जोशीके डाई गुन्ना जोशी, निसर्ग हस्पिटलके अध्यक्ष तीर्थराज पन्तलगायत चिकित्सक तथा हस्पिटलके कर्मचारीहुकनके सहभागिता रहे ।

यिहे विच जेनजी आन्दोलनके क्रममे ज्यान गुमाइल शहिदहुकनके सम्भनानामे हस्पिटलसे दीप प्रज्वलन करल रहे । परिवर्तन, सुशासन ओ उज्ज्वल भविष्यके आकांक्षासहित पोहोर साल भदौ २३ गते हुइल जेनजी आन्दोलनके क्रममे ज्यान गुमाइल ज्ञात-अज्ञात शहिदहुकनके स्मरणमे कार्यक्रम आयोजना करल हो ।

कार्यक्रममे सहभागीहुके जेनजी आन्दोलनके क्रममे ज्यान गुमाइल शहिदहुकनप्रति श्रद्धाञ्जली अर्पण करटी ओइनके योगदान ओ बलिदानहे स्मरण करल रहे ।

सुदूरपश्चिम प्रदेशको अत्याधुनिक सुविधा सम्पन्न

Advanced Healthcare for all...

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, गस्त्रिक, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारी रोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा वङ्गारा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मुगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisarghospitalnepal.com / nisarghospitalnepal

माटी भिटर ११ सय ४८ शव : प्रहरीके प्रयोगशालामे सुरु कैगिल डीएनए जाँच

काठमाडौं, २५ भदौ । भोटेकोशीके बाढमे परके ज्यान गुमाइलहुनके शव गारके धमाधम व्यवस्थापन कैजैटी बा ।

भदौ १० मे तिब्बतओरेके ल्हेन्डे खोलाके बहाव अचानक बहलसंगे रसुवाके भोटेकोशी ओ त्रिशुलीमे अप्रत्याशित बाढ आइल रहे । बाढमे परके अभिनसक १३ सय ७४ जानेक मृत्यु हुइल बा । सुरक्षाकर्मीहुनके भोटेकोशी, त्रिशुली ओ नारायणीके किनारसे शव संकलन करल हुइल ।

प्रहरी प्रधान कार्यालयके अनुसार भोटेकोशी बाढमे परल ४ हजार ७७ जाने अभिन सम्पर्कविहीन बटै । शव सरके संक्रमण फैले सेवना आकलन करटी सरकारसे गारके शवहे सुरक्षित भण्डारण करटी रहल बा । भोटेकोशीसे पुहाके लैगिल शव भेटल धादिङ ओ चितवन हुइटी पश्चिम नवलपरासीलगायत जिल्लामे शव गारके व्यवस्थापन करल बा ।

काठमाडौं, नुवाकोट, चितवन, नवलपरासी पूर्व, नवलपरासी पश्चिम, गोरखा, पाल्पा ओ कास्कीमे शव गारल बटै ।

सुरक्षाकर्मीहुके सुरुमे शव पखालके पहिचानके प्रयास करटै । पहिचान नैहुइल शवके पूर्ण ओ अन्य भागके फोटु खिचके लासजाँच मुचुका करटै । शव गरना आधे कम्तीमे ५ थान फोटु अनिवार्य लेहेपर्ना प्रहरी प्रवक्ता (डीआईजी) अबि नारायण काफ्ले बटैलै । ओकरपाछे फोटु प्रहरीके वेबसाइटमे अपलोड करजाइल । पहिचानके लाग उ फोटु अपलोड करल हो । ओकरपाछे डीएनए कैना नमुना संकलन करके शव सुरक्षित व्यवस्थापनके लाग गरना करजाइल । हालसम ११४८ ठो शव गारल डीआईजी काफ्ले बटैलै । बाढसे पुहाके

बदलल राजनीतिक...

सुधारके जग बैठल बा ।

नयाँ राजनीतिक संस्कार

सरकारी साधनस्रोतके दुरुपयोग रोक्न मन्त्री सरकारी खर्चमे पार्टी कार्यक्रममे जाइ नैपैना, राजनीतिक भेटवार्ता पारदर्शी करना ओ दलके बैठक सरकारी कार्यालयमे नैकरना परिपाटी बैठागिल । अत्यावश्यकबाहेकके विदेश भ्रमणमे रोक, भ्रषणसे काममे जोड, कानुन निर्माणमे तत्परता ओ राष्ट्रिय गौरवके आयोजनामे आघेक सरकारके मजा कामहे निरन्तरता डेहल । सार्वजनिक निकाय तथा राजदूत नियुक्तिमे समेत दलीय भागबन्डा अन्त्य कैके खुला प्रतिस्पर्धात्मक प्रणाली लागु करल ।

सरकारसे भाषणसे परिणाममे जोड डेटि संकटमे संयमता देखाइल बा । रास्वपा सभापति लामिछानेके पहलमे बोलाइल सर्वदलीय बैठक, सुनसरीमे भड्कल धार्मिक सद्भाव कायम करना लेहल दूत कदम ओ रसुवाके भोटेकोशी बाढ विपत्तमे देखाइल तीव्र उद्धार तथा राहत वितरणसे सरकारके कार्यकुशलता उजागर करल बा । सुरुके दिनमे संसदे प्रधानमन्त्रीके उपस्थितिके माग करटि विपक्षी दलसे नाराबाजी हुइलेसे फेन संकटके समयमे प्रधानमन्त्री शाह राष्ट्रपति रामचन्द्र पौडेलसंग नियमित परामर्श करनासे लेके संसदमे प्रभावकारी सम्बोधन करलसे राजनीतिक परिपक्वताके सन्देश प्रवाह हुइल बा । सरकारके काम कराइसे अन्तर्राष्ट्रिय सद्भाव अभिवृद्धि हुइनाके साथे दलीय विभाजनसे उप्पर उठके राष्ट्रिय एकता कायम करना खेल भूमिकासे नवीन आशा जगाइल बा ।

संक्षेपमे भदौ २३ के जेनजी विद्रोह केवल एक राजनीतिक फेरबदल किल नैरहे, यी दशकौंसे मौलाइल दलीय सिङ्केट ओ भ्रष्टाचारविरुद्ध नेपाली युवापुस्तासे बालल चेतनाके राँको रहे ।



मृत्यु हुइल १०२ जानेक केल्ह शव सनाखत हुइल बा ।

सनाखत नैहुइल शव प्रहरीसे विशेष भोला 'एयर टाइट ब्यागमा'मे प्याक करके गरना करल बा । शव गरजना आघे डीएनए जाँचके लाग नमुना लेजाइल । डीएनएके नमुना ओ शव प्याक करल भोलामे एक्के नम्बरके ट्याग राखजाइल । जिल्ला प्रहरी परिसर काठमाडौंके एसएसपी दिलिप घिमिरेके अनुसार डीएनए स्याम्पल ओ शवके संकेत नम्बर समान रहल, व्यवस्थापन करलपाछे पिल्लरमेफे ट्याग नम्बर राखजाइल । मृतकके परिवारके डीएनएसंग नमुना मिल्लेसे शव उत्खनन करके हस्तान्तरण करल एसएसपी घिमिरे बटैलै ।

काठमाडौंके गोकर्णेश्वर नगरपालिका-७ स्थित दक्षिणढोकाके वन क्षेत्रमे २३१ ठो शव गारल बा । रसुवा, नुवाकोट ओ धादिङसे ल्यानल शव त्रिवि शिक्षण अस्पतालमे पोस्टमार्टम करलपाछे दक्षिणढोका वन क्षेत्रमे रहल सेनाके ब्यारेक रहल क्षेत्रमे गारल हो । भदौ १५ मे वहाँ ४६ ठो शव गारके सुरक्षित भण्डारण सुरु करल रहे ।

चितवनस्थित नारायणी लडियामे भेटल ३६३ मध्ये १४ शवके पहिचान खुलल बा । पहिचान नैखुलल ३४९ ठो

प्रधानमन्त्री शाह नेतृत्वके सरकारसे सुखाती एक सय दिनमे प्रशासनिक अनुशासन, डिजिटल सुशासन, दलीय भागबन्डाके अन्त्य ओ जनमुखी सेवा प्रवाहमे जोन जग बैठाइल बा, यिहिनसे सुशासनके स्पष्ट खाका बनल बा मने यी रूपान्तरणके यात्रा अभिन चुनौतीपूर्ण बा । जेनजी सहिदके सपना ओ युवाके

शव गारल जिल्ला प्रहरी कार्यालय चितवनके डीएसपी चन्द्रभूषण यादव बटैलै । चितवनके देवघाट वन क्षेत्रमे शव गारके व्यवस्थापन करल बा । बुधके चितवनमे एक ठो शवके गोरके भाग भेटल डीएसपी यादव जानकारी डेलै ।

रसुवामे १७८ शव भेटल हुइलेसेफे वहाँ शव गारल नैहो । रसुवाके डीएसपी अशोक थापाके अनुसार वहाँ भेटल शव व्यवस्थापनके लाग नुवाकोटमे पठाइल बा । रसुवासे ल्यानल ५६ ठो शव बिफेक रोज विदुर नगरपालिका-६ मे गारके व्यवस्थापन करल नुवाकोटके एसपी विपिन रेग्मी जानकारी डेलै । उहाँ कहलै, 'आजसे शव गारे लागल बटी, रसुवासे ल्यानल ५६ ठो ओ नुवाकोटमे भेटल एक ठो शव गारके व्यवस्थापन करल बा ।'

कास्कीके पोखरा महानगरपालिका-१६ स्थित उपल्लो विप सिसौघारी स्थित सिञ्चाइके सरकारी जंगलमे २५ ठो, नवलपरासी पूर्वके कावासोती नगरपालिका-३ अट्टाईस बिघास्थित ज्योति कुञ्ज सामुदायिक वनमे १०५ ठो ओ देवचुली नगरपालिका-१ स्थित दिव्य मध्यवर्ती सामुदायिक वनमे ५५ ठो शव गारके व्यवस्थापन करल बा ।

पश्चिम नवलपरासीस्थित आकांक्षाहे सम्बोधन करटि विपत्ताछेक पुनर्स्थापना ओ आमनागारिकके भरोसाहे कायमे करना जरुरी बा । भदौ २३ से डेहल निष्पक्ष, पारदर्शी ओ जनउत्तरदायी शासनके सन्देशहे आत्मसात् करटि आगे बढे सेक्लेसेकिल समृद्ध ओ न्यायपूर्ण नेपालके सपना साकार हुइल बा ।

साभार: कान्तिपुर दैनिकसे

संधियारको नाममा जारी १५ दिने सूचना

यस उपमहानगरपालिकाको वडा नम्बर ५ हसनपुर स्थित कित्ता नं. १९५ क्षेत्रफल ९१९ वर्गमिटरमा भवन निर्माण गर्ने घरधनी श्री नारद ढुंगानाले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण
पूर्व: सडक पश्चिम: लक्ष्मी शाही
उत्तर: तिर्थराज पन्त दक्षिण: सडक



धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ४ बोरडाँडी स्थित कित्ता नं. ७९३ क्षेत्रफल ५०७.९५ वर्गमिटरमा भवन निर्माण गर्ने घरधनी श्री निर्मलाकुमारी पनेरुले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण
पूर्व: खड्कबहादुर राना पश्चिम: राजबहादुर सिंह
उत्तर: सडक दक्षिण: शाही नेपाली जंगी अड्डा



धनगढी उपमहानगरपालिका

नगर कार्यपालिकाको कार्यालय, धनगढी, कैलाली

आत्महत्या रोकथाम ओ जीवन रक्षाके लाग प्रभावकारी कदम चल मानव अधिकार आयोगके आग्रह

ललितपुर, २५ भदौ । राष्ट्रिय मानव अधिकार आयोगसे आत्महत्याहे गम्भीर मानव अधिकारके विषयके रूपमे लेटी यकर रोकथाम ओ नागरिकके जीवन रक्षाके लाग तत्काल प्रभावकारी पहल कैना सरकार तथा सरोकारवाला सक्कुहुनसंग आग्रह करले बा ।

विश्व आत्महत्या रोकथाम दिवस (सेप्टेम्बर १०) के सन्दर्भमे आयोगसे बिफे रोज एक प्रेस विज्ञप्ति जारी करटी यैसिन अपिल करल हो ।

विश्वव्यापी रूपमे आत्महत्या रोकथामसम्बन्धी सचेतना अभिवृद्धि कैना उद्देश्यसे हरेक वर्ष यी दिवस मनाई आइल बा । सन् २०२४ से २०२६ समके लाग तय करल 'आत्महत्याबारेके दृष्टिकोण परिवर्तन करी' (चेन्जिङ द न्यारेटिभ अन सुसाइड) कना मूल विषयवस्तु ओ 'संवाद सुरु करी' कना आह्वानहे व्यवहारमे उठर्ना आयोग विशेष जोड डेले बा ।

नेपालमे आत्महत्याके अवस्था बढुट डरलगाटी बन्टी गेल कहटी आयोगसे प्रहरी तथ्यांक उद्घृत करटी बा । जेन्ने अनुसार पछिल्ला आर्थिक वर्ष २०८०/८१ मे केल्ह देशभर ७ हजार २२१ जानेक आत्महत्याके कारण मृत्यु हुइल बा कलेसे अधिकला आर्थिक वर्षमे ६ हजार ८५२ ठो यैसिन घटना दर्ता हुइल रहिट । हरेक वर्ष हजारौं नागरिकसे अकालमे ज्यान गुमाई परल अवस्थाप्रति आयोगसे गम्भीर चिन्ता व्यक्त

करले बा ।

आयोगके प्रवक्ता तथा सहसचिव डा.टीकाराम पोखरेलसे जारी विज्ञप्तिमे मानसिक तनाव, चिन्ता, निराशा, घरेलु तथा लैङ्गिक हिंसा, दीर्घकालीन मानसिक समस्याके साथे आर्थिक संकट, गरिबी ओ बेरोजगारीके कारण यैसिन घटना बढुटी रहल बटैलै ।

आयोगसे आत्महत्या केवल मानसिक स्वास्थ्यके विषय केल्ह नैहुके व्यक्तिके जीवन, मर्यादा, स्वास्थ्य, सुरक्षा ओ सम्मानपूर्वक बच्चे पैना अधिकारसंग प्रत्यक्ष जोरल गम्भीर मानव अधिकारके सवाल हुइल स्पष्ट पारल बा ।

आत्महत्या जैसिन गम्भीर समस्यासे नागरिकके जीवन जोगैना 'आत्महत्याबारे मौन नरही, संवाद सुरु करी कना सन्देशहे प्रभावकारी कार्यान्वयन कैना आयोगसे ध्यानाकर्षण करैले बा । यकर लाग मानसिक संकटमे परल व्यक्तिहुनहे सुन्न, बुझन ओ आवश्यक सहयोग कैना वातावरण निर्माण करेपर्नामे जोड डेले बा ।

साथे, आत्महत्याके प्रयाससे बाँचल व्यक्ति तथा आफन्त गुमाइल परिवारउप्पर हुइना लाञ्छना, दोषारोपण ओ सामाजिक बहिष्कारजैसिन कार्यहे निरुत्साहित करटी ओइनके आत्मसम्मान, गोपनीयता ओ मर्यादा कायम धारके आवश्यक सहयोग उपलब्ध करैना आयोगसे नेपाल सरकार ओ सम्बद्ध सक्कु पक्षहे आग्रह करले बा ।

भीरसे गिरकेर किशोरके मृत्यु

बैतडी, २५ भदौ । बैतडीके सिगास गाउँपालिकामे भीरसे गिरके एक किशोरके मृत्यु हुइल बा कलेसे एक युवक गम्भीर घाहिल हुइल बटै ।

सिगास गाउँपालिका-९, चौखाम चौपाता घर रहल अन्दाजी १७ वर्षीय अनिल विकके सेकुनाडी भीरसे गिरके मृत्यु हुइल हो । बभ्राङके देउलेकसे सामान लेके घर अडुनाक्रममे बुधके साँझ करिब ७ बजे भीरसे गिरके करिब डेढ सय मिटर टरे गिरल विकके घटनास्थलमे मृत्यु हुइल वडाध्यक्ष कृष्ण धामी बटैलै ।

उदयदेव माध्यमिक विद्यालय, गन्सुरमे कक्षा १० मे अध्ययनरत विकके कलिले उमेरमे मृत्यु हुइलपाछे चौखाम गाउँ शोकमे डुबल बा । ओस्टके, सिगास गाउँपालिका-७, थला निवासी अन्दाजी ३७ वर्षीय उद्धवसिंह धामी भीरसे गिरके गम्भीर घाहिल हुइल बटै । बभ्राङके देउरासे सामग्री लेके घर जैना क्रममे बोरीगाउँ लगगेक डगराउप्पर भीरमे भारी ठोक्कलपाछे गिरके सेती लडियाके किनारमे पुगल धामीके धनगढीमे उपचार हुइटी रहल स्थानीय सूर्यबहादुर बोहरा बटैलै ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

नौ पालिकासे मानवअधिकार समन्वय समिति गठन

बाजुराके महिलाहे धान कट्ना चटारो

पहुरा समाचारवाता

धनगढी, २५ भदौ । नेपाल सरकारसे कार्यान्वयनमे लानल मानवअधिकारसम्बन्धी छैटौँ राष्ट्रिय कार्य योजना कार्यान्वयन कैना घरी घरी ताकेता करलेसे फेन सुदूरपश्चिमके स्थानीय अधिकांश तहसे चासो डेखाइल नैहुइत ।

प्रदेशके ८८ स्थानीय तहमध्ये नौ पालिका किल हालसम कार्य योजनाअनुसारके समन्वय समिति गठनमे चासो डेखाइल पाइल हो । राष्ट्रिय मानवअधिकार आयोग, सुदूरपश्चिम प्रदेश कार्यालयके अनुसार प्रदेशके चार जिल्ला दाचुला, बाजुरा, बझाङ ओ डडेल्धुराके कौनो फेन स्थानीय तहसे कार्ययोजनाअनुसार समिति गठन कैना काम आघे बहाइल नैहो । बाँकी पाँच जिल्लाके नौ स्थानीय तहसे किल समिति गठन करल जानकारी करैले बटै ।

हालसम प्रदेशके नौ जिल्लामध्ये कञ्चनपुर जिल्ला समन्वय समितिसे किल समिति गठन करल आयोगके प्रदेश कार्यालयके मानव अधिकार अधिकृत विदेशराम चौधरी जानकारी डेलै । ओस्टके, ८८ पालिकामध्ये कञ्चनपुरके चार, अछामके दुई, बैतडी, कैलाली ओ डोटीके एक/एक सहित नौ पालिकामे किल समिति गठन करल विवरण रहल बा ।

उ पालिकामे कञ्चनपुरके दोधाराचाँदनी, पुनर्वास, बेलौरी नगरपालिका ओ लालझाडी गाउँपालिका, अछामके चौरपाटी ओ रामारोशन गाउँपालिका, बैतडीके मेलौली, कैलालीके भजनी नगरपालिका ओ डोटीके बडिकेदार गाउँपालिकामे किल समन्वय समिति गठन हुइल बावै । बाँकी आठ जिल्ला समन्वय समिति, ७८ पालिकासे ओइसीन संयन्त्र निर्माणबारे कौनो पहल करल बारे



जानकारी नैआइल ओ दाचुलाके मारमा गाउँपालिकासे समिति गठन प्रक्रियामे रहल मानवअधिकार अधिकृत चौधरी बटैले ।

आयोगके परिपत्र, पालिकाके बेवास्ता

मन्त्रिपरिषद् बैठकसे गत असार २४ गते मानवअधिकारसम्बन्धी छैटौँ राष्ट्रिय कार्य योजना (२०८३/८४-२०८७/८८) स्वीकृत कैके कार्यान्वयनमे लानल हो ।

कार्य योजनाले संघ, प्रदेश, जिल्ला ओ स्थानीय तहमे मानवअधिकार संरक्षण तथा प्रवर्द्धनके लाग स्पष्ट जिम्मेवारी तोकल बा । ओहे अनुसार आयोगके प्रदेश कार्यालयसे प्रदेशके नौ जिल्ला समन्वय समिति, ८८ स्थानीय तहके प्रमुख/अध्यक्ष ओ प्रमुख प्रशासकीय अधिकृतहे परिपत्र करल रहे ।

परिपत्रमा कार्य योजनाके व्यवस्थाअनुसार समिति गठन कैके ओकर प्रगति १५ दिनभितरे जानकारी करैना आग्रह करल ७८ स्थानीय तहसे उ बारे कौनो चासो नैडेहल पाइल हो । प्रदेश कार्यालय प्रमुख सहसचिव प्रकाशदत्त भट्टके अनुसार कार्य योजनासे मानवअधिकारहे छुट्टै कार्यालय वा आयोगके विषयके रूपमे किल नैहोके स्थानीय सरकारके नियमित योजना, बजेट, सेवा प्रवाह ओ विकास प्रक्रियाके हिस्सा बनैले बा ।

उहाँ कहलै, “ओकर लाग सक्कु

तहमे समन्वय समिति गठनके विषयहे महत्वके साथ व्यवस्था करल बा । उहीसे आपन क्षेत्रके समग्र मानवअधिकारके स्थिति मूल्यांकन ओ कार्य योजना कार्यान्वयनके नेतृत्व करट् ।” छैटौँ राष्ट्रिय कार्य योजनासे शिक्षा, स्वास्थ्य, खाद्य तथा आवासके अधिकार, श्रम तथा सामाजिक सुरक्षा, महिला तथा बाल अधिकार, वातावरण, न्याय प्रशासन, मानवबेचबिखन नियन्त्रण, सामाजिक समावेशीकरण ओ डिजिटल अधिकारलगायत १७ प्राथमिकता क्षेत्र समेटल बा ।

कार्ययोजनामे प्रदेश सरकारहे करिब १२२ ओ स्थानीय तहहे १०१ क्रियाकलापमे जिम्मेवार निकाय तोकल बा । उ जिम्मेवारी कार्यान्वयन कैना आधारभूत संयन्त्रसमेत अधिकांश स्थानीय तहमे नैबनके कार्य योजना कागजी दस्तावेजमे सीमित हुइना जोखिमतर्फ अपनेहुके सुरुआतमे ध्यानाकर्षण कराइल कार्यालय प्रमुख भट्ट बटैले ।

“मानवअधिकार संरक्षणके लाग राज्यसे कार्य योजना बनैले बा, ओम्ने स्थानीय सरकारहे महत्त्वपूर्ण भूमिका ओ जिम्मेवारी तोकल बा । इ बारेम आयोगसे परिपत्र करसेकल बा, मने यहाँके अधिकांश पालिकामे ओकर पहिल संस्थागत खुड्किलोके रूपमे रहल समन्वय समिति गठनसमेत हुइ सेकल

नैहो । इ बारे फेनसे ध्यानाकर्षण कराइटी,” उहाँ कहलै ।

आयोगसे पहिल चरणमे लिखित पत्राचार, दोस्रो चरणमे पालिकाके प्रमुख/अध्यक्ष ओ प्रमुख प्रशासकीय अधिकृतहे फोनमाफत जानकारी कराइल रहे । उ लगतै, स्थानीय तहके शिक्षा शाखा प्रमुखहे कार्ययोजनाबारे जानकारी प्रदान कैनाके साथे समिति गठनबारे जानकारी कराइल मानवअधिकार अधिकृत दैवजराज न्यौपाने जानकारी डेलै । कार्य योजनासे परिकल्पना करल अनुसार हालसम प्रदेशस्तरीय समितिसमेत गठन हुइ नैसेकल उहाँ जानकारी डेलै ।

छैटौँ राष्ट्रिय कार्य योजनासे प्रदेशमा प्रमुख सचिव, जिल्लामे समन्वय समिति प्रमुख ओ स्थानीय तहमे प्रमुख वा अध्यक्षके संयोजकत्वमे समन्वय समिति रहना व्यवस्था रहल बा । इ तीनू समितिसे बरसमे दुईचो प्रतिवेदन बुझाइ पर्ना व्यवस्था रहल बा । सरकारसे स्थानीय तहके कार्यसम्पादन, जवाफदेहिता, पारदर्शिता ओ सेवा प्रवाहके अवस्था वस्तुगत रूपमे मापन कैना कार्यान्वयनमे लानल ‘स्थानीय शासन कार्यसम्पादन मूल्यांकन प्रणाली (एलजिपिएएस)’ मे फेन मानवअधिकारसम्बन्धी राष्ट्रिय कार्य योजना कार्यान्वयनहे महत्त्वपूर्ण आधार मानल बा ।



बाजुरा, २५ भदौ । बाजुराके महिलाहे धान कट्ना चटारो हुइल बा । यहाँ बरसमे दुईचो धान खेती करजाइत् । पहिलचो चैत-वैशाखमा ओ दोसरचो असारमे धान लगैना करजाइत् ।

इ बेला चैत-वैशाखमे पाखो जमिनमे लगाइल धान पाक सेकल बा । मने, दिनानुदिन पानी परटी रहल ओरे पाकल धान कैसिक घरमे भित्र्याइना कना चिन्ता किसानहे परल बा । धानसँगै पैरा समेत सुरक्षित राखे पर्ना हुइल ओरसे उहाँहुके थप चिन्तित हुइल बटै ।

भदौके दोसर अठ्ठवारसे पाके लागल धानबाली कैसिक घरमे भित्र्याइना कना चिन्ताके कारण यहाँके महिलाहे धान कट्ना चटारो परल हो । चैत-वैशाखमे पाखो जमिनमे लगाइल धान पाकके भरे लागलपाछे उहाँहुके सकारेसे दिनभर धान कट्ना व्यस्त हुइना करल बटै ।

चैत-वैशाखके टन्टलापुर गर्मीमे लगाइल धान इ बेला पाकके ल्यायाइ लागल बा । उ धान कैसिक घरमे भित्र्याइना कना हतार हुइटी रहल बुढीगङ्गा नगरपालिका-१० के स्थानीय दुर्गा नेपाली बटैले ।

उहाँ कहलै, “भदौमे प्रायः घरमे खाद्यान्नके फेन अभाव हुइना करट् । उ अभाव टर्ना प्रायः चैत-वैशाखमे यहाँ पाखो

जमिनमे धान खेती लगैना करटै ।” उहे धान अब्बे पाकल बा । धान पक्का बेलामे पानी पर्ना हुइल ओरसे उहीहे घरमे भित्र्याइना समस्या हुइना करल नेपाली बटैले ।

इ बेला हिमाली, स्वामिकार्तिक खापर, जगन्नाथ, गौमुल, बडीमालिका, बुढीगङ्गा, त्रिवेणी ओ खप्तड छेडेदहलगायतके पालिकामे पाखो जमिनमे लगाइल धानबाली पाकल बा । उ धान घरमे भित्र्याइना यहाँके किसानहे सकस हुइल बा ।

अविरल वर्षासँगै आइल बाढीपहिरोके कारण फेन किसानहे धान भित्र्याइना समस्या हुइल बा । घरसे उपपर ओ डुर पाखो जमिनमे धान खेती लगाइल रहट् । किसान धान काटके सपटके घरमे लन्ना करटै । अब्बे बाढीपहिरोके कारण डगरा बिग्रल ओरसे बारीके धान घरमे भित्र्याइना सकस हुइना करल हो ।

बाजुरामे कुल दुई लाख ३० हजार ३७ हेक्टर जमिनमध्ये २२ हजार हेक्टर किल खेतीयोग्य रहल बा । यहाँ ६ हजार ९१५ हेक्टर जमिनमे धान खेती करजाइत् । कृषि ज्ञान केन्द्र बाजुराके सूचना अधिकारी प्रेमराज न्यौपानेके अनुसार यहाँ धानके उत्पादकत्व १.९ मेट्रिक टन प्रतिहेक्टर रहल बा ।

कर तिर्ने संस्कृतिको विकास गरौं

- ❖ कानुनबमोजिम समयमै कर तिरी जिम्मेवार नागरिक बनौं,
- ❖ प्रत्येक खरिद-विक्रीमा अनिवार्य रूपमा बिल-विजक लिऔं र दिऔं,
- ❖ कर छुली तथा अवैध कारोबारलाई निरुत्साहित गरौं,
- ❖ डिजिटल माध्यमबाट भुक्तानी गरी सेवा सहज बनाऔं,
- ❖ करदाताका अधिकार र कर्तव्यबारे सचेत बनौं,
- ❖ पारदर्शी, इमानदार र जिम्मेवार कर संस्कृतिको विकास गरौं,
- ❖ करबाट संकलित राजस्व राष्ट्रको विकास र सार्वजनिक सेवामा उपयोग हुने हुँदा राष्ट्र निर्माणमा सहभागि बनौं ।

कर तिर्नु नागरिकको दायित्व र राष्ट्रप्रतिको योगदान हो ।



पुलमे साइनबोर्ड राखलपाछे विरोध

दाचुला, २५ भदौ । दाचुलास्थित महाकाली लडियामे निर्माण करल नेपाल-भारत जोर्ना पक्की पुलके नेपाल ओरके भारतीय निर्माण व्यवसायीसे राखल साइनबोर्डके विषयहे लेके दाचुलामे नागरिकस्तरसे विरोध हुइटी रहल बा ।

कालापानीके भूमिका विषयमे लम्मा समयसे दुई देशबिच विवाद रहटी आइल बा । दाचुलाके नागरिक नेपालके भूभागमे भारत ओरके ठेगाना राखके साइनबोर्ड राखल कहटी विरोध जनाइल हुइत । दुई देश जोर्ना नेपाल-भारत पुलके नेपाल ओर महाकाली नगरपालिका-८, असिगडा क्षेत्र परट् कलेसे भारतओर धारचुला तहसिल अन्तर्गतके छारछुम क्षेत्र परट् ।

नेपालस्थित पुलछेउमे नेपाल-

भारत मैत्री सेतु लिखके गारल साइनबोर्डके ठेगानामे काली नदी, छारछुम लिखल बा । ओहे विषयहे लेके यहाँके राजनीतिक दल, पत्रकार तथा आमनागरिक विरोध जनैटी यथाशीघ्र सच्याइ पर्ना माग करल हुइत । राष्ट्रिय स्वतन्त्र पार्टी दाचुलाके सभापति राजेशसिंह सामन्त नेपाली क्षेत्रमे राखल साइनबोर्डमे नेपालके ठेगाना लिखे पर्नामे काली नदी, छारछुम भारतके ठेगाना लिखल विषयहे गम्भीरताके साथ परराष्ट्र मन्त्रालय तथा जिल्ला प्रशासन कार्यालय दाचुलामे सच्याइना जानकारी कराइल बटैले ।

सीमाक्षेत्रके विषयहे सरकारसे गम्भीरतापूर्वक लेटी परराष्ट्र मन्त्रालयमाफत भारतसँग आवश्यक समन्वय कैके समस्या समाधान करे

पर्नामे उहाँ जोड डेलै । स्थानीय रवि धामी महाकाली सीमा लडियामे निर्माण करल नेपाल-भारत मैत्री पुल दुई देशबिचके सहकार्य ओ सम्झौता अनुसार निर्माण हुइल संरचना कहटी निर्मित संरचनामे राखजैना बोर्ड, लोगो ओ भाषाके स्पष्ट मापदण्ड बनाइ पर्ना धारणा राखल रहित ।

दाचुलाके प्रमुख जिल्ला अधिकारी वर्तराज पौडेल इ विषयमे भारतस्थित धारचुलाके एसडिएम आशिषकुमार जोशीसँग बात हुइल तथा त्रुटि सच्याइना जानकारी कराइल बटैले । मोटरबल पुल निर्माणमे संलग्न निर्माण कम्पनीके सबइन्जिनियर हेम पाण्डे फेन साइनबोर्ड छपैना क्रममे त्रुटि हुइल तथा तत्काल सच्याइना काम आघे बहल बटैले ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन न. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३१३१०२९

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरू :

- मधुमेह(सुगर)
- थाइराइड रोग
- पेट,मुटु तथा छातिरोग
- कलेजी रोग
- TB, हेपाटाइटिस रोग
- ब्लडप्रेसर तथा हृदयरोग
- मोटीपना

डा. अकाश राउत
MBBS, MD (T), Internal Medicine
Senior Consultant Physician
NMC NO. 20304
आउने समय : प्रत्येक दिन (२४से घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन । २) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) न्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाड/जोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेशिनबाट हड्डीको अपरेसन)छाती, मुटु, कलेजी तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पर्नु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अपरेसन आदि सेवा ।

कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-४२४५५४, ४२४६५४, ४२९२४९